



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Parallelia Confessionis Avgvstinianae, Et Avgvstanæ**

**Hänlin, Georg**

**Friburgi Helvetiorum, 1592**

**VD16 H 131**

Articvlvs 10 De Coena Domini. De Eius Transubstantiatione. De Praesentia & permanentia Christi in Eucharistia extra usum. De Eius Adoratione. De Eius Oblatione.

**urn:nbn:de:hbz:466:1-29407**

Paganus es, aut Iudaeus? si autem dixerit, no sum: adhuc quæris ab eo: Catechumenus, an fidelis? si responderit tibi, Catechumenus, inunctus est, nondum lotus; sed undē inunctus? quære, & respōdet: quāre ab eo, in quem credat: eo ipso quo Catechumenus est dicit in Christum: Ecce modo loquor & Fidelibus & Catechumenis. Quod dixi de sputo, & luto; quia Verbū caro factum est, & hoc Catechumeni audiūt; sed no eis sufficit ad quod inuncti sunt; sc̄ntinent ad lavacrum, si lumen inquirunt.

Videant ergo Lutherani, quām bellē etiam in his cum D. Augustino consentiant.



## ARTICVLVS X.

## DE COENA DOMINI.

**M**nes hujus Articuli Conclusiones, prout hīc quidem adscriptæ sunt, & Catholicæ, & Augustinianæ sunt. At & hīc Pappo si persuasum nobis vellet, Augustinum Lutheranum suissē; ostendendum fuerat, illum in ceteris etiam, de Eucharistia idem, quod Lutherani hodie sentiūt, & Apologia Confessionis aperte cōtinet, sensisse. Quod nūquam efficere poterit; etiamsi omnes vitæ suæ dies ejus lectioni impen- derit. Negant enim Lutherani moderni omnes; Primo, Trans-substantiationem; Secundo, Christi ex ira usum sacramenti præsen-tiam, & permanentiam; Tertiō, Adorationem: Quartō, Euchari-stiam cum hoc, quod sacramentum est, etiam verē, & propriè sacrificium esse. Quæ omnia credidit & docuit Augustinus tam disertè & expressè, ut quæ de istis apud ipsum existat testimonia, nulla ter-giversatione obscurari & obtenebrari à quoquam unquam pos-sint. Quod ex sequentibus manifestum est.

## I. TRANSSVESTANTIATIO.

*August. Serm. 28. de verbis Domini, Tom. 10. col. 113. A.*

**P**anem nostrum quotidianum da nobis hodie. Memini ser-monis mei, cūm de Sacramentis tractarem, dixi vobis, quod!

H 3 ante

ante verba Christi, quod offertur, Panis dicatur; ubi Christi verba de promta fuerint, jam nō Panis dicitur, sed Corpus appellatur. Quare ergo in oratione Dominicā, quæ postea sequitur, ait, Panem nostrum? Patiēm quidem dixit, sed ~~in nobis~~ dixit, hoc est, supersubstantiale. Non iste panis, qui vadit in corpus, sed ille panis vitæ æternæ, qui animæ nostræ substantiam fulcit.

*Idem Lib. 3. de Trinitat. cap. 5. & 6. Tom. 3. col. 284. c. d. &c.*

Multorum conversionum allatis exemplis ex sacris, & aliunde ostendere nititur, conversionem panis in corpus Christi non esse impossibilem.

## II. P R A E S E N T I A , E T P E R M A N E N T I A Christi in Eucharistia, extra usum.

*Augustinus Lib. 3. de Trinitate, cap. 4. Tom. 3. colum. 284. B.*

**N**ec linguam quippe ejus, nec membranas, nec atramentum, nec significantes sonos lingua editos, nec signa literarum conscripta pelliculis corpus Christi & sanguinem dicimus; sed illud tantum, quod ex fructibus terræ acceptum, & Prece *Mystica consecratum*, ritè sumimus ad salutem spiritalem, in memoriam pro nobis Dominicæ passionis.

*Idem in Psal. 33. Concion. 1. Tom. 8. colum. 232. C.*

Et ferebatur in manibus suis, &c. Quomodo intelligatur, in ipso David secundum literam, nō invenimus; in Christo autem invenimus. ferebatur enim Christus in manibus suis, quādo commendans ipsum corpus suum, ait: Hoc est Corpus meum. Ferebat enim illud Corpus in manibus suis.

*Idem Lib. 20. contra Faust. cap. 13. Tom. 8. col. 369. A.*

Noster autem Panis & Calix nō quilibet quasi propter Christum in spicis, & in sarmentis ligatum, sicut illi desipiunt: sed certa consecratione mysticus fit nobis, non nascitur.

## III. A D O-

## III. ADORATIO.

*Augustinus in Psal. 98. Tom. 8. colum. 1104. C. expli-  
cans illa verba Psalmi: Et adorate scabellum pe-  
dum ejus, &c.*

**Q**uæro, quid fit scabellum pedum ejus? & dicit mihi Scriptura: Terra scabellum pedum meorum. Fluēt uans con-  
verto me ad Christū, quia ipsum quæro hīc, & inuenio, quomo-  
do sine impietate adoreretur terra, sine impietate adoretur scabel-  
lum pedum ejus? Suscepit enim de terra terram; quia caro de ter-  
ra est, & de carne Mariæ carnem accepit. Et quia in ipsa carne hīc  
ambulavit, & ipsam carnem nobis manducādam ad salutem de-  
dit. Nemo autem illam carnem manducat, nisi prius adoraverit.  
Inventum est, quemadmodum adoretur tale scabellum pedum  
Domini, & non solum non peccemus adorando, sed peccemus  
non adorando.

*Idem Epist. 120. cap. 27, Tom. 2. col. 606. C.*

Neq; enim frustra ita distinci sunt, ut de pauperibus suprà di-  
ceretur. Edent pauperes, & saturabuntur. Hic verò: Manducave-  
runt & adoraverunt omnes divites terræ. Et ipsi qui adducti sunt  
ad mensam Christi, & accipiūt de corpore & sanguine ejus; sed  
adorant tantum, nō etiam saturantur, quoniam nō invitantur.

Eadem leges in Psal. 48. Concione. I. Tom. 8. col. 445. d. &c.

## IV. OBLATIO EUCHARISTIAE.

**P**ro ea vide testimonia inferiùs Abusu tertio, de Missâ.  
Adhuc igitur nè Pappus doctrinam suam conformem &  
consentientem dicet cum Augustini doctrina?



ARTI-